

წინამდებარე ხელშეკრულება დადებულია ქ.თბილისი 17 ივლისი 2017 წ.

ერთის მხრივ, სს „საქართველოს რკინიგზა“ წარმოდგენილი მისი მგზავრთა გადაყვანის დირექტორის მოვალეობის შემსრულებლის ელდარ ფერცულიანის მინდობილი პირის ხარტონ შალამბერიძის (17.07.2017 წლის მინდობილობა №4074) სახით, მისამართი: ქ. თბილისი, თამარ მეფის გამზირი №15 (შემდგომში – შემსყიდველი) და მეორეს მხრივ, სს „საქართველოს ბანკი“ წარმოდგენილი მისი საცალო პარტნიორების ქსელის განვითარების დეპარტამენტის დირექტორის მიხეილ გაფრინდაშვილის სახით, მისამართი: ქ. თბილისი, გაგარინის ქ#29ა (შემდგომში – მიმწოდებელი), ვდებთ წინამდებარე ხელშეკრულებას შემდეგზე:

1. ხელშეკრულების საგანი

- 1.1. 2017 წლის 27 ივნისს გამოცხადდა და 03 ივლისს დასრულდა წინადადებების მიღება ელექტრონული ტენდერზე აუქციონის გარეშე NAT170007149 პლასტიკური ბარათებით ბილეთების შესაძენად საბილეთო საღაროებში პოს-ტერმინალების განთავსების მომსახურების შესყიდვის შესახებ (CPV_66100000), რომელშიც გამარჯვებულად მიჩნეულ იქნა მიმწოდებლის წინადადება, რომლის თანახმად, მიმწოდებელმა აიღო ვალდებულება განახორციელოს პოს-ტერმინალების განთავსება ერთი წლის ვადით შემსყიდველის კუთვნილი სერვის ცენტრების 35 საღაროში (დანართი №2-ის შესაბამისად) რკინიგზის ბილეთების რეალიზაციისას საბანკო ბარათებით (MasterCard International, Visa International) ანგარიშსწორების უზრუნველსაყოფად, შემსყიდველის მიერ მომსახურების საკომისიოს ანაზღაურების პირობით (შემდგომში მომსახურება).
- 1.2. წინამდებარე ხელშეკრულების 1.1. პუნქტში აღნიშნული ელექტრონულ ტენდერთან დაკავშირებული სატენდერო დოკუმენტაციის 3.4 პუნქტის შესაბამისად ხელშეკრულება ფორმდება ლარში.

2. ხელშეკრულების ღირებულება

- 2.1. მხარეები თანხმდებიან, რომ ხელშეკრულების ფარგლებში მიმწოდებლის მიერ შემსყიდველისაგან მისაღები საკომისიოს მაქსიმალური ოდენობა შეადგენს 23,000 (ოცდასამი ათასი) ლარს. ამასთან, აღნიშნული შეზღუდვა არ გამოირიცხავს მიმწოდებლის უფლებას მოითხოვოს შემსყიდველისაგან საკომისიოს გადახდა მიმწოდებლის მიერ ფაქტობრივად გაწეული მომსახურების შესაბამისად, მათ შორის აღნიშნულ საკომისიოს მაქსიმალურ ოდენობაზე ზევით.
- 2.2. იმ შემთხვევაში თუ მიმწოდებლის მიერ ხელშეკრულების ფარგლებში მომსახურების გაწევით მიღწეული ან გადაჭარბებული იქნება წინამდებარე ხელშეკრულების 2.1. პუნქტით გათვალისწინებული საკომისიოს მაქსიმალური ოდენობა, მიმწოდებელი უფლებამოსილია საკუთარი შეხედულებისამებრ განაცხადოს უარი ხელშეკრულებით გათვალისწინებული მომსახურების გაწევაზე ან/და ცალმხრივად შეწყვიტოს ხელშეკრულება.

3. წინამდებარე ხელშეკრულება ადასტურებს შემდეგს:

- 3.1. ქვემოთ ჩამოთვლილი დოკუმენტები ქმნიან მოცემულ ხელშეკრულებას (შემდგომში - ხელშეკრულება) და წარმოადგენენ მის განუყოფელ ნაწილს, კერძოდ:
 - ა) წინამდებარე ხელშეკრულება;
 - ბ) პრეტენდენტის მიერ წარმოდგენილი ფასების ცხრილი დანართი N1;
 - გ) პოს-ტერმინალების განთავსების ობიექტების ჩამონათვალი დანართი N2;
 - დ) MasterCard International, Visa International ბარათების მომსახურების ინსტრუქცია და უსაფრთხოების ზომები ხელშეკრულების დანართი N3;
 - ე) ამონაწერი სსიპ სახელმწიფო შესყიდვების სააგენტოს ერთიანი ელექტრონული სისტემიდან ელექტრონული ტენდერის ვაჭრობის მიმდინარეობის შესახებ;
 - ვ) შემსყიდველის მიერ მიღებული გადაწყვეტილება (დოკუმენტი), რომლის შესაბამისად შემსყიდველის მხრიდან ხელშეკრულების ადმინისტრატორს წარმოადგენს: დავით ჯანთიშვილი ტელ: 591 19 11 56;
 - ზ) ხელშეკრულების საერთო პირობები;
 - თ) ხელშეკრულების სპეციფიკური პირობები.
 - ი) ნებისმიერი დამატებითი დანართი (ასეთის არსებობის შემთხვევაში), რომლებიც დაიდო/დაიდება მომავალში მხარეთა მიერ წინამდებარე ხელშეკრულებასთან მიმართებაში, ამგვარ დოკუმენტებში პერიოდულად შეტანილი ცვლილებების და დამატებების ჩათვლით.
- 3.2. მიმწოდებელი იღებს ვალდებულებას შეუსრულოს შემსყიდველს ზემოაღნიშნული მომსახურება ხელშეკრულების პირობების შესაბამისად.
- 3.3. შემსყიდველი იღებს ვალდებულებას აუნაზღაუროს მიმწოდებელს მომსახურების გაწევისათვის დაწესებული საკომისიო ხელშეკრულების პირობების შესაბამისად.
- 3.4. ყოველივე ზემოაღნიშნულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველი

მიმწოდებელი

ხელშეკრულების საერთო პირობები

ქ.თბილისი

17 ივლისი 2017 წელი

1. გამოყენებული ტერმინების განმარტებები

თუ ხელშეკრულებით სხვა რამ არ არის განსაზღვრული, ან მისი კონტექსტიდან სხვა რამ არ გამომდინარეობს, დეფინიციებს აქვთ შემდეგი მნიშვნელობა:

- 1.1. საბანკო დღე - დღე (შაბათის, კვირის ან კანონმდებლობით განსაზღვრული ოფიციალური დასვენების დღეების გარდა), როდესაც საქართველოში მოქმედი კომერციული ბანკები ღიაა და წარმართავენ თავიანთ ჩვეულებრივ საქმიანობას;
- 1.2. მასთან დაკავშირებული სხვა ხელშეკრულება (ან ხელშეკრულებასთან დაკავშირებული სხვა ხელშეკრულება) - ხელშეკრულების საფუძველზე და მის შესაბამისად მიმწოდებელსა და შემსყიდველს, ან მიმწოდებს/შემსყიდველს და მესამე პირს შორის დადებული ყველა ხელშეკრულება ან/და სხვა დოკუმენტი, რომელთა დადება ან/და გაცემა გათვალისწინებულია ხელშეკრულებით ან/და ხორციელდება მის საფუძველზე/შესაბამისად;
- 1.3. ავტორიზაცია - ბარათის ემიტენტის ან/და საბარათო საგადახდო სისტემის მიერ გაცემული ნებართვა ბარათით ან მისი რეკვიზიტებით ექვარიზინგის განხორციელებაზე;
- 1.4. ანგარიში - მიმწოდებელთან ბანკში არსებული შემსყიდველის საბანკო ანგარიშ(ებ)ი (ასეთის არსებობის შემთხვევაში);
- 1.5. ბარათი - დანართი N3-ით განსაზღვრული პლასტიკური ბარათი, უნაღდო ანგარიშსწორების საშუალება საგადახდო სისტემებისათვის;
- 1.6. განცხადებები და გარანტიები - ხელშეკრულების სპეციფიკური პირობების მე-3 მუხლში მოცემული განცხადებები და გარანტიები;
- 1.7. დამატებითი პირობები - ხელშეკრულების დანართ N4-ით (ასეთის არსებობის შემთხვევაში) განსაზღვრული პირობები, მასში შეტანილი დამატებებისა და ცვლილებების ჩათვლით;
- 1.8. დანართი - თუკი ცალსახად სხვაგვარად არ იქნა გათვალისწინებული ხელშეკრულების ან/და მასთან დაკავშირებული სხვა ხელშეკრულების დანართ(ებ)ი (კონტექსტის შესაბამისად), რომელიც/რომლებიც წარმოადგენს ხელშეკრულების ან მასთან დაკავშირებული სხვა ხელშეკრულების განუყოფელ ნაწილს და მოქმედებს მასთან ერთად;
- 1.9. ექვარიზინგი - ხელშეკრულების საფუძველზე, პოს-ტერმინალის საშუალებით ბარათით გადახდის შესრულება და შესაბამისი ანგარიშსწორების განხორციელება შემსყიდველთან;
- 1.10. მესამე პირი - ნებისმიერი პირი გარდა მიმწოდებლის ან/და შემსყიდველისა;
- 1.11. მხარე/მხარეები - მიმწოდებელი ან/და შემსყიდველი (კონტექსტის შესაბამისად);
- 1.12. პირი - ფიზიკური პირ(ებ)ი, იურიდიული პირ(ებ)ი ან/და საქართველოს ან სხვა ქვეყნის კანონმდებლობით გათვალისწინებული სხვა ორგანიზაციული წარმონაქმნ(ებ)ი, რომელიც/რომლებიც არ წარმოადგენს/წარმოადგენენ იურიდიულ პირ(ებ)ს;
- 1.13. პოს-ტერმინალი - ელექტრონული პროგრამულ-ტექნიკური მოწყობილობა, რომელიც გამოიყენება კომერციულ ბანკებში ან სავაჭრო/მომსახურების ობიექტებში საბანკო პლასტიკური ბარათით გადახდის განსახორციელებლად ან თანხის გასატანად;
- 1.14. საბარათო ქვითარი - პოს-ტერმინალის მიერ გაცემული დოკუმენტი, რომელიც ადასტურებს მომხმარებლის მიერ მომსახურების/საქონლის საფასურის შემსყიდველისთვის გადახდას;
- 1.15. ფორს-მაჟორი - სტიქიური კატასტროფა, ხანძარი, საომარი მოქმედება, ადმინისტრაციულ-სამართლებრივი აქტი ან/და მხარეთათვის გადაულახავი და მათი კონტროლისაგან დამოუკიდებელი სხვა გარემოებები, რომლებიც: ა) არ არის დაკავშირებული მხარეების შეცდომებსა და დაუდევრობასთან, ბ) დაიწყო ან განვითარდა ხელშეკრულების ხელმოწერის შემდეგ და გ) პირდაპირ და უშუალო ზეგავლენას ახდენს ხელშეკრულებით ან/და მასთან დაკავშირებული სხვა ხელშეკრულებით ნაკისრი ვალდებულებების სრულად ან/და ჯეროვნად შესრულებაზე;

2. კონფიდენციალურობა

- 2.1. მხარეები ვალდებული არიან, როგორც ხელშეკრულების მოქმედების პერიოდში, ასევე სახელშეკრულებო ურთიერთობის დამთავრების შემდეგაც დაიცვან მეორე მხარისაგან მიღებული ნებისმიერი სახის ინფორმაციის კონფიდენციალურობა.
- 2.2. კონფიდენციალურობის შესახებ ზემოაღნიშნული შეზღუდვა არ შეეხება ინფორმაციას ან ინფორმაციის გამჟღავნებას:
 - 2.2.1. რომელიც კანონმდებლობის დარღვევის გარეშე იყო ცნობილი ინფორმაციის მიმღები მხარისათვის მეორე მხარის მიერ შესაბამისი ინფორმაციის მიწოდებამდე;
 - 2.2.2. თუ ინფორმაციის გამჟღავნება მოხდება მხარეთა მიერ კანონმდებლობის მოთხოვნათა დაცვით და შესაბამისად (მათ შორის, რომელიმე მხარის მიერ სასამართლო წესით მისი უფლებების განხორციელებლად);
 - 2.2.3. რომლის მოპოვებაც შესაძლებელია სხვა წყაროებიდან;

მიმწოდებელი

2.2.4. თუ ინფორმაციის მესამე პირისთვის გამჟღავნება მოხდება ა) მხარეთა წერილობითი შეთანხმებით, რა შემთხვევაშიც ინფორმაციის გამცემი მხარე სრულად აგებს პასუხს მესამე პირის მიერ მისთვის გადაცემული ინფორმაციის კონფიდენციალურობის დაცვაზე ან ბ) რომელიმე მხარისგან დამოუკიდებლად.

3. ანგარიშსწორება

3.1. თუ მხარეთა შეთანხმებით, ხელშეკრულებით ან/და მასთან დაკავშირებული სხვა ხელშეკრულებით სხვა რამ არ არის გათვალისწინებული მხარეთა შორის ანგარიშსწორება წარმოებს უნაღდო ანგარიშსწორების წესით.

3.2. მხარეთა შორის ანგარიშსწორება განხორციელდება ლარებში;

3.3. უნადლო ანგარიშსწორებისას თანხები უნდა ჩაირიცხოვს შესაბამისი მხარის ხელშეკრულებით ან/და მასთან დაკავშირებული სხვა ხელშეკრულებით განსაზღვრულ საბანკო ანგარიშზე ან მხარეთა მიერ დამატებით შეთანხმებულ სხვა საბანკო ანგარიშზე.

4. ხელშეკრულებაში ცვლილებების შეტანა

4.1. ხელშეკრულებაში ცვლილებებისა და დამატებების შეტანა დაიშვება წერილობითი ფორმით მხარეთა შეთანხმებით. ხელშეკრულების დამდეგ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.

42. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

5. უფლებების გადაცემა

5.1. მიწოდებულს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

6. ხელშეკრულების ძალაში შესვლა, მოქმედების ვადა და შეწყვეტა

6.1. ხელშეკრულება ძალაში შედის მხარეთა მიერ მისი გაფორმების მომენტიდან და მოქმედებს მხარეთა მიერ ხელშეკრულებით ნაკისრი ვალდებულებების სრულად და ჯეროვნად შესრულებამდე, მაგრამ არაუგვიანეს 2018 წლის 30 აგვისტოსი.

62. წინამდებარე ხელშეკრულებით გათვალისწინებული მომსახურების განხორციელების საერთო ვადა შეადგენს 12 (თორმეტი) კალენდარულ თვეს, რომლის ათვლაც დაიწყება წინამდებარე ხელშეკრულების გაფორმების თარიღიდან.

6.3. მხარეები უფლებამოსილი არ არიან ცალმხრივად, სრულად ან ნაწილობრივ შეწყვიტონ ხელშეკრულება ან/და მასთან დაკავშირებული სხვა ხელშეკრულება, თუ ხელშეკრულებით სხვა რამ არ არის გათვალისწინებული.

6.4. შესაძლებელია ხელშეკრულების ან/და მასთან დაკავშირებული სხვა ხელშეკრულების ვადამდე სრულად ან ნაწილობრივ შეწყვეტა:

6.4.1. მიწოდების მიერ ცალმხრივად, თუ: ა) ხელშეკრულების მოქმედების ნებისმიერ ეტაპზე მიმწოდებელი უარს განაცხადებს ხელშეკრულებით გათვალისწინებულ მომსახურებაზე ან ბ) შემსყიდველი სრულად და ჯეროვნად არ შეასრულებს ხელშეკრულებით ან/და მასთან დაკავშირებული სხვა ხელშეკრულებით განსაზღვრულ ნებისმიერ ვალდებულებას (მათ შორის, ფულად ვალდებულებას, განცხადებებს და გარანტიებს, ნებისმიერ პირობას ან/და სხვა ვალდებულებას);

6.4.2 მხარეთა წერილობითი შეთანხმებით;

6.43. ხელშეკრულებით, მასთან დაკავშირებული სხვა ხელშეკრულებით ან/და კანონმდებლობით გათვალისწინებულ სხვა შემთხვევებში.

6.5. მიწოდებელი უფლებამოსილია ხელშეკრულების 6.4.1. და 6.4.3. ქვეპუნქტებით გათვალისწინებული პირობების არსებობისას ცალმხრივად, ზიანის (ზარალის) ანაზღაურების გარეშე, სრულად ან ნაწილობრივ შეწყვიტოს ხელშეკრულება ან/და მასთან დაკავშირებული სხვა ხელშეკრულება შემსყიდველისთვის წერილობითი შეტყობინების გაგზავნით, შემსყიდველის მიერ შეტყობინების მიღებიდან 15 (თხუთმეტი) კალენდარული დღის ვადაში, თუ ამავე შეტყობინებით ხელშეკრულების ან/და მასთან დაკავშირებული სხვა ხელშეკრულების სრულად ან ნაწილობრივი შეწყვეტის სხვა ვადა ან/და პირობები არ არის გათვალისწინებული.

იმ შემთხვევაში, თუ შემსყიდველი კანონმდებლობის საფუძველზე და მის შესაბამისად მიიღებს ხელშეკრულების ცალმხრივად სრულად ან ნაწილობრივ შეწყვეტის გადაწყვეტილებას, ვალდებულია წერილობით შეატყობინოს მიმწოდებელს მიღებული გადაწყვეტილება, მისი მიღების საფუძველი და ამოქვეყნების თარიღი, რომელიც არ უნდა იყოს 60 (სამოცი) კალენდარულ დღეზე ნაკლები. ხოლო თუ ხელშეკრულებით ან/და კანონმდებლობით გათვალისწინებულ შემთხვევებში ხელშეკრულება უნდა შეწყდეს უფრო მოკლე ვადებში ან/და მიმწოდებელს მიზანშეწონილად მიაჩნია ხელშეკრულების უფრო მოკლე ვადებში შეწყვეტა, ხელშეკრულება შეიძლება უფრო მოკლე ვადებშიც შეწყდეს.

მომწოდებლის მიერ ხელშეკრულების ვადამდე სრულად ან ნაწილობრივ შეწყვეტის შემთხვევაში შემსყიდველი ვალდებულია გადაუხადოს მიმწოდებელს საკომისიო მის მიერ ფაქტობრივად მიღებული მომსახურების შესაბამისად. ასეთ შემთხვევაში მიმწოდებელი არ იქნება ვალდებული აღნაზღაუროს შემსყიდველს რაიმე სახის ზიანი (ზარალი);

მიმწოდებელი

7. ფორს-მაჟორი

7.1. ფორს-მაჟორის მოქმედების განმავლობაში არც ერთი მხარე არ აგებს პასუხს ხელშეკრულებით ან/და მასთან დაკავშირებული სხვა ხელშეკრულებით ნაკისრი ვალდებულებების სრულად ან ნაწილობრივ შეუსრულებლობისათვის ან არაჯეროვნად შესრულებისათვის.

7.2. მხარე, რომელსაც დაუდგა ფორს-მაჟორი, ვალდებულია გონივრულ ვადაში, მაგრამ არა უგვიანეს 5 (ხუთი) საბანკო დღისა, აცნობოს მეორე მხარეს შესაბამისი ფორს-მაჟორული გარემოებ(ებ)ის და მისი/მათი სავარაუდო ზანგრძლივობის შესახებ, წინააღმდეგ შემთხვევაში, იგი კარგავს უფლებას დაეყრდნოს ფორს-მაჟორის არსებობას, როგორც პასუხისმგებლობისგან გათავისუფლების საფუძველს.

7.3. შეტყობინებაში მითითებული ფორს-მაჟორული გარემოებ(ებ)ი, თუ ისინი არ წარმოადგენენ საყოველთაოდ აღიარებულ ფაქტებს (გარემოებებს) ან მეორე მხარეს ეჭვი შეაქვს მათ ნამდვილობაში, შესაბამისი მხარის მიერ ფორს-მაჟორული გარემოებ(ებ)ის თაობაზე ცნობის მიღებიდან ან შესაბამისი მხარის მიერ ფორს-მაჟორული გარემოებ(ებ)ის არსებობაზე ეჭვის გამოთქმის თაობაზე შეტყობინების მეორე მხარისათვის გაგზავნიდან 30 (ოცდაათი) კალენდარული დღის ვადაში ფორს-მაჟორული გარემოებ(ებ)ის არსებობა უნდა დადასტურდეს კანონმდებლობით განსაზღვრული უფლებამოსილი ორგანოს მიერ.

7.4. თუ ფორს-მაჟორის მოქმედება, შესაბამისი მხარის მიერ ფორს-მაჟორული გარემოებ(ებ)ის თაობაზე ცნობის ან ფორს-მაჟორული გარემოებ(ებ)ის არსებობის დადასტურების თაობაზე სათანადო ორგანოს დასკვნის მიღების თარიღიდან 30 (ოცდაათი) კალენდარულ დღეზე მეტ ხანს გრძელდება, აღნიშნული 30 (ოცდაათი) კალენდარულ დღიანი ვადის გასვლიდან 15 (თხუთმეტი) კალენდარულ დღის ვადაში მხარეებმა უნდა გადაწყვიტონ ხელშეკრულების ბედი, წინააღმდეგ შემთხვევაში ხელშეკრულება ძალადაკარგულად ჩაითვლება.

8. სადაო საკითხების გადაწყვეტა

8.1. ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

8.2. თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს.

9. გამოყენებული სამართალი

9.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

10. ურთიერთობა ხელშეკრულების დამდებ მხარეებს შორის

10.1. მხარეთა შორის ნებისმიერი ოფიციალური ურთიერთობა უნდა ატარებდეს წერილობით ფორმას. მხარისათვის გათვალისწინებული წერილობითი შეტყობინება მას შეიძლება მიეწოდოს პირადად ან გაგზავნოს კურიერის (მათ შორის, საერთაშორისო კურიერის) ან საფოსტო გზავნილის (მათ შორის, დაზღვეული წერილის) საშუალებით. ოპერატიულობის მიზნით და ქვემოთ მოცემული დებულებების გათვალისწინებით, დასაშვებია მეორე მხარისათვის შეტყობინების მიწოდება ფაქსის, ელექტრონული ფოსტის ან სხვა ელექტრონული საშუალებით გაგზავნის გზით, იმ პირობით, რომ მეორე მხარის მოთხოვნის შემთხვევაში, ამგვარი მოთხოვნიდან გონივრულ ვადაში მას წარედგინება შეტყობინება წერილობითი ფორმითაც.

10.2. შეტყობინება ჩაბარებულად ითვლება ადრესატის მიერ მისი მიღების დღეს თუ შეტყობინების მიღება დადასტურებულია ადრესატის მიერ (მათ შორის, ელექტრონული დოკუმენტით, ქვითრით, შეტყობინების შესაბამისი სხვა საშუალებით და ა.შ.). თუ შეტყობინების მიღება არ არის დადასტურებული ადრესატის მიერ, ნებისმიერი ასეთი შეტყობინება მიიჩნევა სათანადო წესის შესაბამისად გაგზავნილად და მიღებულად:

10.2.1. კურიერის ან დაზღვეული საფოსტო გზავნილის მეშვეობით წერილობითი შეტყობინების გაგზავნის შემთხვევაში - (ა) თუ შეტყობინება გაგზავნილია მიმწოდებლის მიერ, გაგზავნიდან 3 (სამი) კალენდარულ დღეში, ან ჩაბარების დადასტურების თარიღის დღეს (რომელსაც უფრო ადრე იქნება ადგილი); (ბ) თუ შეტყობინება გაგზავნილია შემსყიდველის მიერ, მიმწოდებლის კანცელარიაში შეტყობინების დარეგისტრირების მომდევნო საბანკო დღეს;

10.2.2. ფაქსის, ელექტრონული ფოსტის ან/და სხვა ელექტრონული საშუალებით გაგზავნის შემთხვევაში - (ა) თუ შეტყობინება გაგზავნილია მიმწოდებლის მიერ, გაგზავნის თარიღიდან მეორე საბანკო დღეს; (ბ) თუ შეტყობინება გაგზავნილია შემსყიდველის მიერ, მიმწოდებლის მიერ შესაბამისი შეტყობინების მიღების დადასტურების თარიღიდან, ან შესაბამისი ქმედების განხორციელებით შეტყობინების მიღების დადასტურების თარიღიდან.

10.2.3. შეტყობინება მიღებულად ითვლება იმ შემთხვევაშიც, თუ შეტყობინების გამგზავნ მხარეს შეტყობინება დაუბრუნდება გაგზავნილ მისამართზე/საკონტაქტო მონაცემებზე შეტყობინების ადრესატის ადგილსამყოფელის არარსებობის გამო, ადრესატი უარს განაცხადებს შეტყობინების მიღებაზე, ან თავს არიდებს მის მიღებას.

10.3. მხარეები ურთიერთობას განახორციელებენ ხელშეკრულებით ან/და მასთან დაკავშირებული სხვა ხელშეკრულებით განსაზღვრულ მისამართზე/საკონტაქტო მონაცემებზე (ან სხვა ნებისმიერ მისამართზე/საკონტაქტო მონაცემზე, რომელსაც ერთი მხარე აცნობებს მეორეს წერილობით). მხარე

ვალდებულია აღნიშნული მისამართ(ებ)ის ან მათი რომელიმე მონაცემის ცვლილების შესახებ დროულად აცნობოს მეორე მხარეს, წინააღმდეგ შემთხვევაში, მხარის მიერ აღნიშნულ მისამართზე განხორციელებული ურთიერთობა (შეტყობინების გაგზავნა და სხვა) ჩაითვლება ჯეროვნად შესრულებულად.



მიმწოდებელი

ხელშეკრულების სპეციფიკური პირობები

ქ.თბილისი

17 ივლისი 2017 წელი

1. მომსახურების განხორციელების პირობები

1.1. მიმწოდებელი ვალდებულია უზრუნველყოს:

- 1.1.1. პოს-ტერმინალების განთავსება და გამართვა ხელშეკრულების მხარეთა მიერ გაფორმების თარიღიდან 14 (თოთხმეტი) კალენდარული დღის განმავლობაში;
- 1.1.2. შემსყიდველის მოლარე-ოპერატორების ინსტრუქტაჟი აღნიშნული პოს-ტერმინალების გამოყენებასთან დაკავშირებით;
- 1.1.3. პოს-ტერმინალების გამართულად მუშაობა და ტექნიკური პრობლემების შემთხვევაში მათი აღმოფხვრა ან ჩანაცვლება 24 საათის განმავლობაში;
- 1.1.4. მომხმარებლის ბარათიდან ზედმეტად/შეცდომით ჩამოჭრილი თანხის დაბრუნება მომხმარებლის საბარათე ანგარიშზე შემსყიდველის წერილობითი მოთხოვნიდან 3 (სამი) საბანკო დღის განმავლობაში;
- 1.1.5. ყოველი დასრულებული კვირის ბოლო დღიდან (ორშაბათიდან კვირის ჩათვლით) ოთხი სამუშაო დღის ვადაში წინა კვირის (შემსყიდველის მოთხოვნის შემთხვევაში) და ყოველი დასრულებული კალენდარული თვის ბოლო დღიდან ოთხი სამუშაო დღის ვადაში გასული თვის პერიოდში შესრულებული ტრანზაქციების შესახებ დეტალური ამონაწერის მიწოდება (ექსელის ფაილის სახით) შემსყიდველის ელექტრონულ ფოსტაზე.
- 1.2. შემსყიდველი ვალდებულია:
 - 1.2.1. ექვარიინგის ჩატარება მოითხოვოს მხოლოდ ეროვნულ ვალუტაში;
 - 1.2.2. მიმწოდებლისგან მიღებული სარეკლამო-საინფორმაციო მასალები (ასეთის არსებობის შემთხვევაში) გამოიყენოს მხოლოდ მიმწოდებელთან შეთანხმებული პირობებით.
 - 1.2.3. გამოიყენოს პოს-ტერმინალი და მასთან დაკავშირებული სხვა ნივთი/დოკუმენტაცია/ინფორმაცია მხოლოდ ხელშეკრულების მიზნებისათვის და არ დაუშვას მათი დაკარგვა/დაზიანება;
 - 1.2.4. ხელშეკრულების მოქმედების ვადამდე შეწყვეტის, ან მისი მოქმედების ვადის გასვლის შემთხვევაში დაუბრუნოს მიმწოდებელს პოს-ტერმინალები ხელშეკრულების მოქმედების ვადამდე შეწყვეტიდან ან მისი ვადის გასვლიდან 10 (ათი) საბანკო დღის განმავლობაში;
 - 1.2.5. მიმწოდებლის განსაკუთრებული და ექსკლუზიური უფლების დასაცავად მიიღოს ხელშეკრულებით გათვალისწინებული მომსახურება მხოლოდ მიმწოდებლისგან რაც ამავდროულად გამორიცხავს სხვა ფინანსური ინსტიტუტების ან/და საპროცესინგო ცენტრების ანალოგიური მომსახურებით სარგებლობას;
 - 1.2.6. ავტორიზაციასთან დაკავშირებით წარმოშობილი ნებისმიერი ხარვეზის/დარღვევის შესახებ დაუყოვნებლივ (მაგრამ არაუგვიანეს 30 (ოცდაათი) საბანკო დღის ვადაში) აცნობოს მიმწოდებელს;
 - 1.2.7. ავტორიზაციის განხორციელებისას ბარათის ყველა ტიპს მიაწოდოს თანაბარი ძალა, რაც ყოველგვარი ეჭვის თავიდან აცილების მიზნით გულისხმობს იმას, რომ შემსყიდველი ყოველგვარი შეზღუდვის გარეშე მიიღებს მომხმარებლის მიერ წარდგენილ მხოლოდ წინამდებარე ხელშეკრულებით განსაზღვრულ ტიპის ბარათებს;
 - 1.2.8. არ გააკეთოს განცხადებები, საჯარო გამოსვლები და არანაირი მინიშნება იმის თაობაზე, რომ რომელიმე ტიპის ბარათს გააჩნია უპირატესობა სხვა ტიპის ბარათთან მიმართებაში;
 - 1.2.9. არ დააწესოს ისეთი დამატებითი პირობები და შეზღუდვები რომელიმე ტიპის ბარათის გამოყენებაზე, რომლებიც არ არის დაწესებული სხვა დანარჩენი ტიპის ბარათებზე;
 - 1.2.10. არ მოითხოვოს მომხმარებლისაგან მისი პირადი რეკვიზიტები (ტელეფონის ნომერი, მისამართი და სხვ.), როგორც ბარათით გადახდის განხორციელების აუცილებელი პირობა, თუ ხელშეკრულებით სხვა წესი არ არის განსაზღვრული;
 - 1.2.11. არ მოსთხოვოს მომხმარებელს ან/და თავად არ გადაიღოს ბარათის ასლი;
 - 1.2.12. გარდა ტექნიკური შეფერხებით გამოწვეული მიზეზებისა, მომხმარებელს არ განუცხადოს უარი ავტორიზაციის განხორციელებაზე;
 - 1.2.13. არ დაეყოს სარეალიზაციო მომსახურების/საქონლის საფასური იმ განზრახვით, რომ თავიდან აიცილოს მიმწოდებლის მიერ წინასწარ განსაზღვრული ლიმიტის გადაჭარბება;
 - 1.2.14. შეინახოს საბარათე ქვითრები და გადასცეს ასლები მიმწოდებელს წერილობითი მოთხოვნიდან 2 (ორი) საბანკო დღის ვადაში;
 - 1.2.15. არ გააძვიროს სარეალიზაციო მომსახურების/საქონლის საფასური იმის გამო, რომ მომხმარებელი გამოთქვამს სურვილს გამოიყენოს პოს-ტერმინალი, როგორც შესაძენი მომსახურების/საქონლის საფასურის გადახდის საშუალება;
- 1.3. მიმწოდებელი უფლებამოსილია:
 - 1.3.1. არ განახორციელოს ექვარიინგი, შემსყიდველის მიერ ხელშეკრულებით ნაკისრი ვალდებულების დარღვევის შემთხვევაში.
 - 1.3.2. არ გადაუხადოს შემსყიდველს ის თანხები, ან მომდევნო ანგარიშსწორების თანხიდან დააკავოს მიმწოდებლის მიერ შემსყიდველის ანგარიშზე ადრე ჩარიცხული ის თანხები, რომლებიც საერთაშორისო საგადასახადო სისტემების წესების მიხედვით შეიძლება გახდეს დავის საგანი ან/და უკვე წარმოადგენს დავის საგანს. დაკავება განახორციელოს იმ შემთხვევაშიც, თუ შემსყიდველს იმ მომენტისათვის არ გააჩნია შესაბამისი სახსრები და ამ შემთხვევაში წარმოქმნილი დავალიანების დაფარვა სრულად ეკისრება შემსყიდველს. ამასთან იმ შემთხვევაში თუ საერთაშორისო საგადასახადო სისტემების წესების მიხედვით დადგინდება, რომ სადაო თანხის მომხმარებლის ბარათის ანგარიშიდან ჩამოჭრა განხორციელდა აღნიშნული წესების დაცვით, მაშინ სადაო თანხა

შემსყიდველი

მიმწოდებელი

ხელშეკრულების პირობების შესაბამისად ჩაერიცხება შემსყიდველს, წინააღმდეგ შემთხვევაში შემსყიდველი ვერ შეძლებს სადაო თანხის მიღებას;

- 1.3.3. შემსყიდველის მიერ ხელშეკრულების სპეციფიკური პირობების 1.2.6 ქვეპუნქტით განსაზღვრული ვალდებულების დარღვევის შემთხვევაში, მიმწოდებელი თავისუფლდება ყოველგვარი პასუხისმგებლობისაგან შემსყიდველის წინაშე და არ იქნება ვალდებული მიიღოს რაიმე ზომა აღნიშნული ხარვეზის/დარღვევის აღმოსაფხვრელად.

2. შესრულებული მომსახურების მიღება-ჩაბარების წესი

- 2.1. მიმწოდებლის მიერ წინამდებარე ხელშეკრულების სპეციფიკური პირობების 1.1.5 ქვეპუნქტის შესაბამისად წარდგენილი ამონაწერ(ებ)ის საფუძველზე მხარეთა შორის გაფორმდება შესაბამისი მომსახურების მიღება-ჩაბარების აქტი, რომელიც დადასტურდება შემსყიდველისა და მიმწოდებლის მიერ საამისოდ უფლებამოსილი წარმომადგენლების ხელმოწერებით.
- 2.2. შემსყიდველის მხრიდან განხორციელებული მომსახურების მიღება-ჩაბარების აქტზე ხელმოწერა უფლებამოსილ პირს წარმოადგენს:
- მგზავრთა გადაყვანის ფინანსური დეპარტამენტის უფროსი
- 2.3. მიღება-ჩაბარების აქტი გაფორმდება ოთხ ეგზემპლარად, რომლის სამი ეგზემპლარი გადაეცემა შემსყიდველს, ხოლო ერთი – მიმწოდებელს.

3. განცხადებები და გარანტიები

- 3.1. მიმწოდებელი აცხადებს და იძლევა გარანტიას, რომ:
- 3.1.1. მას გააჩნია ყველა ის საშუალება, რომელიც აუცილებელია წინამდებარე ხელშეკრულებით გათვალისწინებული ვალდებულების შესასრულებლად.
- 3.1.2. მის მიერ მომსახურება განხორციელდება ჯეროვნად, დროულად, შეუფერხებლად, კეთილსინდისიერად, სრულფასოვნად და განხორციელებული მომსახურება შეესაბამება ხელშეკრულებით გათვალისწინებულ მოთხოვნებს.
- 3.2. შემსყიდველი აცხადებს და იძლევა გარანტიას, რომ:
- 3.2.1. ხელშეკრულების ან/და მასთან დაკავშირებული სხვა ხელშეკრულების დადების/ხელმოწერის დროისათვის არის/იქნება ქმედუნარიანი (მათ შორის, შექმნილი კანონმდებლობით დადგენილი წესით);
- 3.2.2. ხელშეკრულების ან/და მასთან დაკავშირებული სხვა ხელშეკრულების დადების/ხელმოწერისა და შესრულებისათვის საჭირო უფლებამოსილების მიზნით მის მიერ მოპოვებულია ყველა აუცილებელი თანხმობა, ნებართვა თუ მინდობილობა;
- 3.2.3. ხელშეკრულება ან/და მასთან დაკავშირებული სხვა ხელშეკრულება იდება/დაიდება მის მიერ ნებაყოფლობით, მიმწოდებლის ან მესამე პირის მხრიდან მის მიმართ ძალადობის, მუქარის, მოტყუების, შეცდომის ან/და რაიმე სხვა გარემოების გამოყენების გარეშე;
- 3.2.4. მას (მათ შორის არც მის დირექტორს, უფლებამოსილ პირს, წარმომადგენელს, თანამშრომელს ან სხვა პერსონალს) ან მასთან დაკავშირებული პირს ან/და მის აფილირებულ პირს:
- 3.2.5. პირდაპირ ან არაპირდაპირ არ გადაუხდია ან მიუღია (ან ჩართულა რაიმე გარიგებაში, რომლის მიხედვითაც უნდა გადაიხადოს ან მიიღოს), ნებისმიერი უკანონო ან/და დაფარული საკომისიო, კრთამი, სასყიდელი ან ანაზღაურება, რაც შეიძლება უკავშირდებოდეს ხელშეკრულებას ან/და მასთან დაკავშირებულ სხვა ხელშეკრულებას; ან/და
- 3.2.6. არ განუხორციელებია რაიმე ქმედება (ფარული შეთანხმების ჩათვლით), რასაც შესაძლოა გავლენა მოეხდინა ხელშეკრულების დადების პროცესზე ან ხელშეკრულების დადებაზე, რომლის მიზანია ფასების ხელოვნური რეგულირება ან/და არაკონკურენტული გარემოს შექმნა; ან/და
- 3.2.7. არ შეუთავაზებია ან მიუღია ღირებულების მქონე რაიმე ნივთი/არამატერიალური ქონებრივი სიკეთე, რასაც შეიძლება გავლენა მოეხდინა მიმწოდებლის, მისი დირექტორის, უფლებამოსილი პირის, წარმომადგენლის, თანამშრომლის, სხვა პერსონალის ან მასთან დაკავშირებული პირის ან/და მისი აფილირებული პირის ქმედებებზე, ასევე რომელიმე ზემოაღნიშნული პირის მხრიდან არ ჰქონია ადგილი მუქარას მისი ქონების ან რეპუტაციის მიმართ, ბიზნეს უპირატესობის არაკეთილსინდისიერად მოპოვების, ან ბიზნესის წარმოების მიზნით; ან/და
- 3.2.8. სხვაგვარად არ მიუღია მონაწილეობა კორუფციულ საქმიანობაში.
- 3.3. ვინაიდან, მიმწოდებლის პოლიტიკა მკაცრად კრძალავს დირექტორის, უფლებამოსილი პირის, წარმომადგენლის, თანამშრომლის, სხვა პერსონალის ან მასთან დაკავშირებული პირის ან/და მისი აფილირებული პირის მონაწილეობას იმგვარ ქმედებებში, რაც გულისხმობს ღირებულების მქონე რაიმე ნივთის/არამატერიალური ქონებრივი სიკეთის შეთავაზებას ან მიღებას (პირდაპირ თუ არაპირდაპირ), ამა თუ იმ პირის, მიმწოდებლის, მასთან დაკავშირებული პირის ან/და მისი აფილირებული პირის ან მისი კლიენტის მიერ სარგებლის მიღების, ბიზნესის არაკეთილსინდისიერად მოპოვების ან შენარჩუნების ან/და სხვაგვარი ბიზნეს უპირატესობის მიღების მიზნით. ამდენად ნებისმიერი ზემოაღნიშნული დებულების დარღვევა გამოიწვევს მის დაუყოვნებლივ დისკვალიფიკაციას ხელშეკრულების დადების პროცესიდან ან/და ხელშეკრულების ან/და მასთან დაკავშირებული სხვა ხელშეკრულების შეწყვეტას. ამასთან, ამგვარი დისკვალიფიკაცია ან/და ხელშეკრულების ან/და მასთან დაკავშირებული სხვა ხელშეკრულების შეწყვეტა არ გამოიწვევს შემსყიდველის ან/და მისი დირექტორის, უფლებამოსილი პირის, წარმომადგენლის,

თანამშრომლის, სხვა პერსონალის ან მასთან დაკავშირებული პირის ან/და მისი აფილირებული პირის პასუხისმგებლობას და შესაბამის სანქციებს, რაც გათვალისწინებულია კანონმდებლობით (მათ შორის, ყოველგვარი შეზღუდვის გარეშე, სისხლის სამართლის პასუხისმგებლობასაც).

3.4. შემსყიდველის აღნიშნული განცხადებები და გარანტიები ძალაშია მხარეთა მიერ ხელშეკრულების ან/და მასთან დაკავშირებული სხვა ხელშეკრულების საფუძველზე ნაკისრი ვალდებულებების სრულად და ჯეროვნად შესრულებამდე, მიუხედავად ხელშეკრულების ან/და მასთან დაკავშირებული სხვა ხელშეკრულების სრულად ან ნაწილობრივ შეწყვეტისა.

4. მომსახურების გაწევისთვის დაწესებული მიმწოდებლის საკომისიო

4.1. მიმწოდებლის მიერ შემსყიდველისაგან მისაღები საკომისიო საქართველოს გარეთ ემიტირებული MasterCard International, Visa International-ის ბარათით ჩატარებული ყოველი საბარათო ოპერაციის შემთხვევაში შეადგენს – ჩატარებული საბარათო ოპერაციის თანხის 1.3 (ერთი მთელი სამი მეათედი) %-ს, მინიმუმ 0.01 (წოლი მთელი ერთი მეასედი) ლარს.

4.2. მიმწოდებლის მიერ შემსყიდველისაგან მისაღები საკომისიო ქართული ბანკების MasterCard International, Visa International-ის ბარათით ჩატარებული ყოველი საბარათო ოპერაციის შემთხვევაში შეადგენს – ჩატარებული საბარათო ოპერაციის თანხის 1.1% (ერთი მთელი ერთი მეათედი) %-ს, მინიმუმ 0.01 (წოლი მთელი ერთი მეასედი) ლარს.

4.3. საკომისიო მოიცავს საქართველოს კანონმდებლობით გათვალისწინებულ გადასახდელს და გადასახადს.

4.4. მიმწოდებლის მიერ კუთვნილი საკომისიოს დაკავება განხორციელდება უაქცეპტოდ შემსყიდველის ანგარიშზე თანხის ჩარიცხვამდე.

4.5. მიმწოდებლის მიერ ექვარიანის თანხის შემსყიდველის N GE82BG0000000121644900 ანგარიშზე ჩარიცხვა განხორციელდება ექვარიანის განხორციელების შესახებ ინფორმაციის მიღებიდან, 3 (სამი) საბანკო დღის ვადაში.

5. მხარეთა პასუხისმგებლობა

5.1. შემსყიდველის მიერ:

5.1.1. პოს-ტერმინალის დაკარგვა/დაზიანების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო - 1000 (ათასი) ლარის ოდენობით თითოეული პოს-ტერმინალისათვის.

5.1.2. ხელშეკრულების სპეციფიკური პირობების 1.2.4. ქვეპუნქტით განსაზღვრული მოთხოვნის შეუსრულებლობის შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო - 1000 (ათასი) ლარის ოდენობით თითოეული პოს-ტერმინალისათვის.

5.1.3. ხელშეკრულების სპეციფიკური პირობების 1.2.5. ქვეპუნქტით განსაზღვრული ვალდებულების დარღვევის შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, 300 (სამასი) ლარის ოდენობით თითოეულ დარღვევაზე.

5.1.4. ხელშეკრულების სპეციფიკური პირობების 1.2.12. ან/და 1.2.15. ქვეპუნქტებით განსაზღვრული ვალდებულებების დარღვევის შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო 300 (სამასი) ლარის ოდენობით, თითოეულ დარღვევაზე.

5.2. წინამდებარე ხელშეკრულების სპეციფიკური პირობების 4.5 პუნქტით განსაზღვრული ნაკისრი ვალდებულების შესრულების ვადის გადაცდენის შემთხვევაში, ყოველი დაგვიანებული დღისთვის, მიმწოდებელს ეკისრება პირგასამტეხლო გადასახდელი თანხის 0.05%-ის ოდენობით. მხარეები თანხმდებიან, რომ შემსყიდველის მიერ წერილობითი შეტყობინების გაგზავნიდან 10 (ათი) საბანკო დღის ვადაში მიმწოდებელი უზრუნველყოფს მოთხოვნილი ოდენობის პირგასამტეხლოს ჩარიცხვას შემსყიდველის ანგარიშზე.

5.3. მიმწოდებელი პასუხს არ აგებს შემსყიდველსა და ბარათის მფლობელს შორის წამოჭრილ დავაზე, თუ ეს დავა არ ეხება ხელშეკრულების საგანს.

5.4. მხარეები იღებენ ვალდებულებას აუნაზღაურონ ერთმანეთს მათ მიერ ხელშეკრულების ან/და მასთან დაკავშირებული სხვა ხელშეკრულების სრულად ან ნაწილობრივ შეუსრულებლობის ან არაჯეროვნად შესრულების შედეგად მიყენებული ზიანი (ზარალი) კანონმდებლობით ან/და ხელშეკრულებით ან/და მასთან დაკავშირებული სხვა ხელშეკრულებით დადგენილი წესით, ხოლო ზიანის (ზარალის) ანაზღაურება მხარეებს არ ათავისუფლებს ხელშეკრულებით ან/და მასთან დაკავშირებული სხვა ხელშეკრულებით ნაკისრი ვალდებულებების შესრულებისაგან (გადახდისაგან).

5.5. მიუხედავად ხელშეკრულების სპეციფიკური პირობების 5.1. და 5.4 პუნქტებით განსაზღვრული გარანტიებისა, შემსყიდველის მიერ ხელშეკრულებით და მასთან დაკავშირებული სხვა ხელშეკრულებით ნაკისრი ვალდებულებების სრულად და ჯეროვნად შესრულების უზრუნველსაყოფად და შესაბამისად მიმწოდებლის უფლებებისა და მოთხოვნების უზრუნველყოფის მიზნით, მიმწოდებელი უფლებამოსილია ისარგებლოს შემდეგი უფლებ(ებ)ით:

5.5.1. არ გადაუხადოს შემსყიდველს ხელშეკრულებით ან/და მასთან დაკავშირებული სხვა ხელშეკრულებით გათვალისწინებული გადასახდელი (ასეთის არსებობის შემთხვევაში), რაც შესაბამისი მოცულობით ჩაითვლება (გაიქვითება) შემსყიდველის მიერ მიმწოდებლისთვის ხელშეკრულებით ან/და მასთან დაკავშირებული სხვა ხელშეკრულებით გათვალისწინებული გადასახდელის (პირგასამტეხლო, ზიანის (ზარალის) ანაზღაურება და სხვა) ანგარიშში; ან/და.

შემსყიდველი

მიმწოდებელი

- 5.5.2 შემსყიდველის ნებისმიერი სახის ანგარიშიდან უაქცეპტოდ ჩამოწეროს ყველა გადასახდელი, ხოლო თუ გადასახდელი და ანგარიშზე რიცხული თანხა სხვადასხვა ვალუტაშია, მიმწოდებელმა თავად განახორციელოს კონვერტაცია გადახდის თარიღისათვის მასთან მოქმედი კომერციული კურსით, ხოლო კონვერტაციის მომსახურების ღირებულება ასევე უაქცეპტოდ ჩამოწეროს ანგარიშიდან, კონვერტირებული თანხა კი მიმართოს შესაბამისი გადასახდელის დასაფარად.
- 5.6 მხარეები თანხმდებიან რომ მიმწოდებელი უფლებამოსილია ისარგებლოს წინამდებარე ხელშეკრულების სპეციფიკური პირობების 5.5 პუნქტით მინიჭებული უფლებ(ებ)ით მას შემდეგ რაც მიმწოდებლის მიერ წერილობითი შეტყობინების გაგზავნიდან 10 (ათი) დღის ვადაში შემსყიდველი არ უზრუნველყოფს შეტყობინებაში მითითებული ვალდებულების სრულ და ჯეროვან შესრულებას.
6. სხვა პირობები
- 6.1 მხარეები ადასტურებენ, რომ ხელშეკრულების შინაარსი ზუსტად გამოხატავს მხარეთა ნებას და რომ მათ მიერ ნების გამოვლენა მოხდა ხელშეკრულების შინაარსის გონივრული განსჯის შედეგად და არა მარტოდენ სიტყვა-სიტყვითი მნიშვნელობიდან.
- 6.2 ხელშეკრულების დანართსა და მასთან დაკავშირებულ სხვა ხელშეკრულებაზე სრულად ვრცელდება ხელშეკრულების მუხლ(ებ)ის, პუნქტ(ებ)ის და ქვეპუნქტ(ებ)ის მოქმედება.
- 6.3 ხელშეკრულება ფორმდება 4 (ოთხი) თანაბარ იურიდიული ძალის მქონე ეგზემპლარად, რომელთაგან სამი ეგზემპლარი გადაეცემა შემსყიდველს, ხოლო ერთი მიმწოდებელს.

მხარეთა რეკვიზიტები

შემსყიდველი
სს „საქართველოს რკინიგზა“
ქ. თბილისი, თამარ მეფის გამზირი №15
ს/კ 202886010
სს „საქართველოს ბანკი“
ბანკის კოდი: BAGAGE22
ანგარიშის № GE09BG0000000128695301
ტელ: 324

ხარიტონ შალამბერიძე
მინდობილი პირი

მიმწოდებელი
სს „საქართველოს ბანკი“
ქ. თბილისი, გაგარინის ქ#29ა
ს/კ 204378869
სს „საქართველოს ბანკი“
ბანკის კოდი: BAGAGE22

ტელ: 2444444

მიხეილ გაფრინდაშვილი
საცალო პარტნიორების ქსელის განვითარების
დეპარტამენტის დირექტორი

დასახელება


მისამართი

რაოდენობა

1	თბილისის მგზავრთა სერვის ცენტრი	ქ. თბილისი, ვაგზლის მოედანი #2	12
2	გორის მგზავრთა სერვის ცენტრი	ქ. გორი, გორიჯვარის #19	1
3	ხაშურის მგზავრთა სერვის ცენტრი	ქ. ხაშური, კოსტავას #10	1
4	ზეესტაფონის მგზავრთა სერვის ცენტრი	ქ. ზესტაფონი, აღმაშენებლის #2	1
5	ქუთაისის მგზავრთა სერვის ცენტრი	ქ. ქუთაისი, სადგურის მოედანი #5	1
6	რიონის მგზავრთა სერვის ცენტრი	ქ. ქუთაისი, სადგური რიონი	1
7	სამტრედიის მგზავრთა სერვის ცენტრი	ქ. სამტრედია, თამარ მეფის #3	1
8	ოზურგეთის მგზავრთა სერვის ცენტრი	ქ. ოზურგეთი, დოლიძის #16	1
9	ურეკის მგზავრთა სერვის ცენტრი	დაბა ურეკი, რკინიგზის სადგური	1
10	ბაქანი მერია	ოზურგეთის რაიონი სოფ. მერია, მერიის რკინიგზის სადგური	1
12	ბათუმის მგზავრთა სერვის ცენტრი	ქ. ბათუმი, ბათუმი ცენტრალი	3
13	ქობულეთის მგზავრთა სერვის ცენტრი	ქ. ქობულეთი, მემედ აბაშიძის #1	2
14	ფოთის მგზავრთა სერვის ცენტრი	ქ. ფოთი, რეკვავას #1	1
15	ზუგდიდის მგზავრთა სერვის ცენტრი	ქ. ზუგდიდი, ქუჩის #3	2
16	რუსთავის საბილეთო საღარო	ქ. რუსთავი, კოსტავას 21	1
17	თბილისი საკვანძო	ქ. თბილისი, მოსკოვის გამზირი #2	2
18	სენაკის საბილეთო საღარო	ქ. სენაკის, ჭავჭავაძის 72	1
19	აბაშის საბილეთო საღარო	ქ. აბაშა, თავისუფლების 40	1
20	ლანჩხუთის საბილეთო საღარო	ქ. ლანჩხუთი, ნინოშვილის 2	1

მგზავრთა გადაყვანა

ხარტონ მაღაშვილი



სახელმწიფო შესყიდვის შესახებ ხელშეკრულების
დანართი N3

ქ.თბილისი

17.07.2017 წელი

სახელმწიფო შესყიდვის შესახებ ხელშეკრულების:

ნომერი:

86117-204

დადების თარიღი:

17.07.2017 წელი.

Mastercard/Mastercard და VISA ბარათების მომსახურების ინსტრუქცია და უსაფრთხოების ზომები:

1. ბარათის იდენტიფიკაცია:

1.1. Eurocard/Mastercard ბარათს აქვს შემდეგი დიზაინი:

1.1.1. ბარათის წინა მხარეზე გამოსახულია:

1.1.1.1. სისტემის დამაცივ პოლოგრამა, რომელიც წარმოადგენს დედამიწის ორ ურთიერთგადაკვეთ ნახევარსფეროს. მის ქვემოთ მოთავსებულია სისტემის ლოგოტიპი.

1.1.1.2. ბარათის შუაში ემბოსირებული (რელიეფური ბეჭდვით შესრულებული) 16 ციფრიანი ბარათის ნომერი (ოთხ ციფრიანი ოთხი ჯგუფი). ბარათის ნომერი ყოველთვის იწყება ციფრით „5“.

1.1.1.3. ბარათის ნომრის ქვევით ემბოსირებულია ბანკის საიდენტიფიკაციო 4 ციფრიანი ნომერი.

1.1.1.4. მოქმედების ვადა, რომელიც ემბოსირებულია ბარათის ნომრის ქვეშ. თუ მოქმედების ვადაში მითითებულია მხოლოდ თვე და წელი, ბარათი მოქმედია თვის ბოლო რიცხვამდე.

1.1.1.5. ბარათის მოქმედების ვადის გვერდით ემბოსირებულია ნიშანი, რომელიც წარმოადგენს ორი ასო "M"-ის და "C"-ის გაერთიანებას.

1.1.1.6. ბარათის მფლობელის სახელი და გვარი, რომელიც ემბოსირებულია მოქმედების ვადის ქვეშ.

1.1.1.7. "M" და "C" ასოები ბარათის მარჯვენა და მარცხენა ქვედა კუთხეში, მისი ულტრაიისფერ სხივებში გატარებისას.

1.1.2. ბარათის უკანა მხარეს გამოსახულია:

1.1.2.1. მაგნიტური ზოლი, ბარათის ზედა ნაწილში.

1.1.2.2. ხელმოწერის ნიმუშის ზოლი, რომელზეც სამ ფერში (წითელი, ლურჯი, ყვითელი) 45 გრადუსიანი კუთხით დახრილად აქვს წარწერა Mastercard და რომელზედაც ბარათის მფლობელი ხელს აწერს მისი მიღების დროს. ხელმოწერა შესრულებული უნდა იყოს გარკვევით, ბურთულიანი კალმით.

1.1.2.3. Mastercard-ის ლოგოტიპი ბარათის ქვედა ნაწილში.

1.2. VISA ბარათს აქვს შემდეგი დიზაინი:

1.2.1. ბარათის წინა მხარეზე გამოსახულია:

1.2.1.1. სისტემის პოლოგრამა, რომელიც წარმოადგენს მტრედის გამოსახულებას. მის ქვემოთ მოთავსებულია სისტემის ლოგოტიპი.

1.2.1.2. ბარათის შუაში ემბოსირებული (რელიეფური ბეჭდვით შესრულებული) 16 ან 13 ციფრიანი ბარათის ნომერი (ოთხ ციფრიანი ოთხი ჯგუფი ან შემდეგი განაწილებით 4, 3, 3, 3), ბარათის ნომერი ყოველთვის იწყება ციფრით „4“.

1.2.1.3. ბარათის ნომრის ზევით 4 ციფრიანი ნომერი, რომელიც წარმოადგენს ბანკის საიდენტიფიკაციო ნომერს (იგი ყოველთვის ემთხვევა ბარათის პირველ ოთხ ციფრს).

1.2.1.4. მოქმედების ვადა, რომელიც ემბოსირებულია ბარათის ნომრის ქვეშ. თუ მოქმედების ვადაში მითითებულია მხოლოდ თვე და წელი, ბარათი მოქმედია თვის ბოლო რიცხვამდე.

1.2.1.5. ბარათის მოქმედების ვადის გვერდით ემბოსირებულია ნიშანი "V", რომლის ერთი გვერდი არის ვერტიკალური, ხოლო მეორე გვერდი დახრილია 45 გრადუსიანი კუთხით.

1.2.1.6. ბარათის მფლობელის სახელი და გვარი, რომელიც ემბოსირებულია მოქმედების ვადის ქვეშ.

1.2.1.7. მტრედის გამოსახულება ბარათის ცენტრში, მისი ულტრაიისფერ სხივებში გატარებისას.

1.2.2. ბარათის უკანა მხარეს გამოსახულია:

1.2.2.1. მაგნიტური ზოლი, ბარათის ზედა ნაწილში.

1.2.2.2. ხელმოწერის ნიმუშის ზოლი, რომელზეც ლურჯ ფერად 45 გრადუსიანი კუთხით დახრილად აქვს წარწერა VISA და რომელზედაც ბარათის მფლობელი ხელს აწერს მისი მიღების დროს. ხელმოწერა შესრულებული უნდა იყოს გარკვევით, ბურთულიანი კალმით.

1.2.2.3. VISA-ს ლოგოტიპი ბარათის ქვედა ნაწილში.

2. შემყიდველი ვალდებულია:

2.1. ბარათთან ან ბარათის მფლობელთან მიმართებაში რაიმე ეჭვის შეტანის შემთხვევაში, მოსთხოვოს ბარათის მფლობელს პირადობის დამადასტურებელი დოკუმენტი. ბარათზე არსებული მფლობელის სახელი და გვარი უნდა დაეთხვას წარმოდგენილი დოკუმენტის მონაცემებს, ხოლო მფლობელის გარეგნობა უნდა შეესაბამებოდეს დოკუმენტში არსებულ ფოტოსურათს, წინააღმდეგ შემთხვევაში ბარათი გადახდისთვის არ მიიღება.

2.2. 200 (ორასი) ლარზე მეტი ღირებულების ექვარიანგის შემთხვევაში მოსთხოვოს ბარათის მფლობელს პირადობის დამადასტურებელი დოკუმენტი. ბარათზე არსებული მფლობელის სახელი და გვარი უნდა დაეთხვას წარმოდგენილი დოკუმენტის მონაცემებს, ხოლო მფლობელის გარეგნობა უნდა შეესაბამებოდეს დოკუმენტში არსებულ ფოტოსურათს. აუცილებელია ჩეკის უკანა მხარეს კალმით ჩაიწეროს ბარათის მფლობელის პირადობის დამადასტურებელი მოწმობის (პასპორტის) ნომერი, ბარათის პირველი 4 ციფრი და მოლარის ხელმოწერა.

3. ჩეკის შევსება და ავტორიზაცია:

3.1. პოს-ტერმინალით ექვარიანგის ჩატარების დროს საჭიროა, ბარათი გაატარეთ პოს-ტერმინალში, კლავიატურის მეშვეობით მიუთითოთ ექვარიანგის თანხა და დაელოდეთ საავტორიზაციო ცენტრიდან პასუხს.

3.2. დადებითი პასუხის შემთხვევაში პოს-ტერმინალი ბეჭდავს ჩეკს, რომელზეც ბარათის მფლობელი აკეთებს ხელმოწერას, უარყოფითი პასუხის შემთხვევაში კი ეკრანზე გამოჩნდება შესაბამისი შეტყობინება. ამასთან, ზემოაღნიშნული ხელმოწერის ვალდებულება არ ვრცელდება ე.წ. ჩიპური ბარათებით ანგარიშსწორებისას.

3.3. პოს-ტერმინალიდან ჩეკის ამობეჭდვის შემდგომ დარწმუნდით, რომ ჩეკზე დაბეჭდილი ბარათის ნომერი ემთხვევა ბარათზე არსებულ (ემბოსირებულ) ბარათის ნომერს (პირველი 6 ციფრი და ბოლო 4 ციფრი). თუ ბარათზე ემბოსირებული ნომერი არ ემთხვევა ჩეკზე დაბეჭდილ ნომერს, ბარათი გადახდისათვის არ მიიღება და აუცილებელია დაუყოვნებლივ დაუკავშირდეთ მიმწოდებელს და შეასრულოთ მისი მომდევნო ინსტრუქციები.

3.4. ავტორიზაციის კოდის მიღების შემდეგ ექვარიანგი შეიძლება ჩაითვალოს დამთავრებულად. ბარათის მფლობელს სთხოვთ ხელი მოაწეროს ჩეკზე, მისთვის გამოყოფილ სპეციალურ გრაფაში. ამასთან ბარათი იქონიეთ თქვენ და თვალყური ადევნეთ, თუ როგორ აწერს ხელს ბარათის მფლობელი. ჩეკზე ყველაზე ხელმოწერა იდენტური უნდა იყოს ბარათის მეორე მხარეს გაკეთებული ხელმოწერის ნიმუშისა. როცა დარწმუნდებით ხელმოწერების იდენტურობაში, გადადეთ კლიენტს საჭირო, ბარათი და ჩეკის მეორე პირი.

4. ავტორიზაციის გაუქმება:

4.1. პოს-ტერმინალის საშუალებით ბოლოს განხორციელებული ავტორიზაციის გაუქმება შესაძლებელია ასევე მისი დახმარებით (კლავიში CANCEL და შემდეგ OK).

5. ბარათის ამოღება:

5.1. ზოგიერთ შემთხვევაში ავტორიზაციის პასუხი შეიძლება იყოს ბრძანება წარდგენილი ბარათის ამოღებაზე. აცნობეთ ამის შესახებ ბარათის მფლობელს და დაითხოვეთ ბარათი თქვენთან. ურჩიეთ კლიენტს მიმართოს ემიტენტ-ბანკს. ასეთ შემთხვევაში, გადაჭერით ბარათი მაკრატლით მთელ სიგრძეზე ბარათის ნომრის ზემოთ პოლოგრამამდე, მაგრამ ისე, რომ პოლოგრამა, ბარათის ნომერი და მაგნიტური ზოლი არ დაზიანდეს და შევსებით აქტი, ბარათის ამოღებაზე.

5.2. ამოღებული ბარათი შევსებულ აქტთან ერთად უნდა გადაეცეს მიმწოდებელს 3 (სამი) საბანკო დღის განმავლობაში ბარათის ამოღების დღიდან.

5.3. ბარათის ამოღების საფუძველად ითვლება:

5.3.1. ავტორიზაციის ცენტრიდან მიღებული ბრძანება ბარათის ამოღებაზე.

5.3.2. თუ ბარათი არ არის წარმოდგენილი მისი კანონიერი მფლობელის მიერ.

ბარათით ჩატარებული არაკანონიერ ქმედებაში იგულისხმება:
შუამუშევრის ბარათის გამოყენება.

თაღლითურად მოპოვებული ჩეკების (სლიპების) გამოყენება.

ატორიზაციის კოდის ფალსიფიცირება.

კანონიერი მფლობელის მიერ ბარათის არასწორი გამოყენება.

ექვარიინგის ჩატარებისას შემსყიდველი ვალდებულია იხელმძღვანელოს შემდეგი წესებით:

შუამოწმის მოქმედების ვადა.

შუამოწმის, რომ ბარათი შეესაბამება მოცემული საგადასახადო სისტემის სტანდარტებს და მისი მოქმედება არ შემოსაზღვრება ბარათზე მითითებულ ვრთი ქვეყნით (Valid only in -----).

შუამოწმის, რომ ბარათი არ არის დაზიანებული.

შუამოწმის ბარათზე მფლობელის ხელმოწერის ნიმუშის არსებობა. ბარათი, რომელზეც არ არის ხელმოწერის ნიმუში, გადახდისათვის არ მიიღება.

შუამოწმის, რომ ჩეკზე (სლიპზე) შესრულებული ხელმოწერა მსგავსია ბარათზე ხელმოწერის ნიმუშისა.

უზრუნველყოს, რომ ექვარიინგის ჩატარების განმავლობაში ბარათი და წარმოდგენილი დოკუმენტი იყოს სხვა მოღარესთან და სხვა კლიენტისაგან მოუწვდომელ ადგილას.

უზრუნველყოს, რომ ჩეკის მეორე მხარეს მიეწეროს ბარათის მფლობელის სახელი და გვარი, პირადი ნომერი.

მცირედენი ეჭვის აღებრისას ბარათის არაკანონიერ მფლობელობაზე ან/და ბარათის გაყალბებაზე დაუყოვნებლივ დაუკავშირდეს მიმწოდებელს და შეასრულოს მისი მომდევნო ინსტრუქციები.

მხარეთა ხელმოწერები

შემსყიდველი

მიმწოდებელი

1	ხელშეკრულება №	86/17-204	3	ხელშეკრულების საგანი პლასტიკური ბარათებით ბილიეტების შესაძენად საბილიეტო საღარიფოში პოს-ტერმინალების განთავსების მომსახურების სახელმწიფო შესყიდვა
2	კონტრაგენტი	სს „საქართველოს ბანკი“	4	მიმღები დეპ/სამ. ფშ-მგზავრთა მომსახურების დეპარტამენტი
ხელშეკრულების რანგი		კურატორი დირექტორის მიერ განსაზღვრული	გენერალური დირექტორის მიერ დამტკიცებული	
		რანგი	რანგი	
		I □ II □ III □	I □ II □ III □	III □
5	ხელშეკრულების ადმინისტრატორი	ფშ-ს მიმდინარე საქმიანობის მომსახურების სპეციალისტი		
		თანამდებობა		
		დავით ჯანთიშვილი	ფშ	14.07.2017
		გვარი, სახელი	ხელმოწერა	თარიღი
		ელდარ ფერცელიანი	2.07.2017	14.07.2017
6	დირექტორი	გვარი, სახელი	ხელმოწერა	თარიღი

17.07.2017


N 4074

მ ი ნ დ ო ბ ი ლ ო ბ ა

GR საქართველოს
რკინიგზა

სს „საქართველოს რკინიგზა“ უფლებამოსილებას ანიჭებს ფილიალ
„მგზავრთა გადაყვანა“-ს დირექტორის მოადგილეს მიმდინარე ხარისხიან
მომსახურებაზე (სერვისის დარგში) ხარიტონ შალამბერიძეს მასზედ, რომ
მას უფლება აქვს სს „საქართველოს რკინიგზის“ სახელით ხელი მოაწეროს
სს „საქართველოს რკინიგზას“ და სს „საქართველოს ბანკის“ შორის
პლასტიკური ბარათებით ბილეთების შესაძენად საბილეთო საღებავებში
პოს-ტერმინალების განთავსების მომსახურების შესყიდვის შესახებ
გასაფორმებელ ხელშეკრულებას.


მგზავრთა გადაყვანის დირექციის
მფლობის შემოღებელი
მ. შერეულინი



- ✓ შესყიდვის სავარაუდო ღირებულება - მომსახურების საკომისიოს ჯამური ოდენობა ერთი წლის განმავლობაში - შეადგენს 23,000 ლარს, შემდეგი გარემოების გათვალისწინებით: მოსალოდნელი წლიური ბრუნვა საბანკო ბარათებით რეალიზებულ ბილითებზე შეადგენს 2,000,000 ლარს, მათ შორის საქართველოს რეზიდენტი ბანკების მიერ ემიტირებულ ბარათებზე 77% (1,540,000 ლარი), ხოლო არარეზიდენტი ბანკების მიერ ემიტირებულ ბარათებზე 23% (460,000 ლარი).

- პოს ტერმინალების განთავსება და გამართვა განხორციელდება ხელშეკრულების გაფორმებიდან 14 კალენდარული დღის განმავლობაში;
- პოს ტერმინალით ჩატარებული ოპერაციების საკომისიო დღგ-ს ჩათვლის დღგ-ს გარეშე ერთიდაიგივეა;

საცალო პარტნიორების ქსელის განვითარების დეპარტამენტის დირექტორი



მიხეილ გაფრინდაშვილი

ამონაწერი სახელმწიფო შესყიდვების ერთიანი ელექტრონული სისტემიდან ელექტრონული
ვაჭრობის მიმდინარეობის თაობაზე

ძირითად დროში ვაჭრობის შედეგები

პრეტენდენტი

შეთავაზებული თანხა

თარიღი

ვაჭრობის 1-ლი რაუნდი

დაწყება

დამთავრება

პრეტენდენტი

თანხა

ვაჭრობის მე-2 რაუნდი

დაწყება

დამთავრება

პრეტენდენტი

თანხა

ვაჭრობის მე-3 რაუნდი

დაწყება

დამთავრება

პრეტენდენტი

თანხა

პრეტენდენტი

ბოლო შეთავაზება
თანხა/დრო

პირველი შეთავაზება
თანხა/დრო

შეთავაზებები

საქართველოს ბანკი

23'000.00
29.06.2017 17:00

23'000.00
29.06.2017 17:00

[1] ნახვა



21.08.2017

№ 13/2322

რწმუნებულება

სს "საქართველოს ბანკის" გენერალური დირექტორის მოადგილე, მიხეილ გომართელი (შემდგომში "მარწმუნებელი" პირადი №01007008711), უფლებამოსილებას ანიჭებს ბანკის წარმომადგენელს ("რწმუნებულს"), მიხეილ გაფრინდაშვილს (დაბ.: 04.05.1977წ., პირადი №54001000214) მარწმუნებლის სახელით განახორციელოს შემდეგი მოქმედებები:

1. სს "საქართველოს ბანკის" სახელით ხელი მოაწეროს ხელშეკრულებებს, რომლებიც დაკავშირებულია მესამე პირების საქონლის და/ან მომსახურების შეძენასთან ბანკის კრედიტის საშუალებით;
2. სს "საქართველოს ბანკის" სახელით ხელი მოაწეროს დაწესებულებებში პოსტერმინალების და ბანკომატების დამონტაჟების ხელშეკრულებებს;
3. რწმუნებული უფლებამოსილია მარწმუნებლის სახელით შეასრულოს ნებისმიერი მოქმედება და საქართველოს კანონმდებლობით დადგენილი ნებისმიერი პროცედურა, რაც საჭირო იქნება მინიჭებული უფლებამოსილების შესრულებასთან.

აგრეთვე, მოწონებულ იქნეს და ჩაითვალოს ნამდვილად რწმუნებულის, მიხეილ გაფრინდაშვილის მიერ 2016 წლის 21 ოქტომბრიდან 2017 წლის 21 თებერვლამდე მისი უფლებამოსილების ფარგლებში ხელმოწერილი ყველა დოკუმენტი/ხელშეკრულება

რწმუნებულება ძალაშია 2018 წლის 21 თებერვლამდე.

მიხეილ გომართელი

გენერალური დირექტორის მოადგილე